

SECTIO DECIMA.

*Medicamenta mistione aut formâ ad usum
externum præcipuè destinata.*

CATAPLASMATA, FOMENTA, COLLYRIA, LINTIMENTA, CERATA, ADIPES
MEDICATI ET UNGUENTA OLEOSO RESINOSA, UNGUENTA SOLIDA SEU
EMPLASTRA, TELÆ MEDICATÆ, ESCHAROTICA, SUFFUMIGATIONES.

MULTA hoc in genere Medicamentorum inter simpliciter mixta numerari possunt. Contrâ in quibusdam vera obtinet dissolutio Chymica. In nonnullis elementorum commutatio et consociatio itâ perficitur, ut nova indè enascantur corpora; quod certè fit propè in omnibus medicatis Adipibus, et Emplastris. Verum tamen hujus sectionis ordinem non ex operationum Chymicarum naturâ, ut in præcedentibus, sed ex singulorum usu medico sumendum duximus. Scilicet, in externis actionibus, cum nihil ferè observantibus incertum obijciatur aut dubium, nihil non percipiatur ipsissimis oculis, facile ex ipsis medicamentorum titulis et nominibus utendi modus et agendi intelligitur; indè igitur ordinis ratio certior ab omnibus sponte deducitur et maximè naturalis.

I. CATAPLASMATA.

Cataplasmata, inter externa medicamenta, ea dicuntur quæ ex pulpis, pulveribus, farinisve commixtis constant, quæ diluta aquâ simplici, decoctisve Plantarum, aut lacte, liquidisve variis coquantur, et sic in pulvem spissiozem addensantur.

Iis sic ritè comparatis admisceri quoque possunt Olea, Unguenta, Pulveres variï et alia id genus, ex quibus Cataplasmatum vis augeri aut immutari pro necessitate valet.

Rarò frigidis convenit uti, sæpiùs tepidis, aut calidis, aliquoties calidissimis. Multis, præcipuè si emollire debeant et calida diù permanere, utile est sub finem adjecisse non nihil aut olei, aut adipis ejus vis recentis, quod ipsis intimè permisceatur. Indè scilicet et lentiùs frigescunt imposita, et, cum detrahuntur, nuda cutis non æquè, sub aëris contactu et aquosi vaporis in auras dissipatione, nocivum contrahit frigus.

I. CATAPLASMA E PANIS MEDULLA.

Rj. Medullæ Panis triticei exsiccati et erassius triti uncias quatuor, vel. 128

Lactis Vaccini recentis, vel decocti radicis Althææ libram unam et semis, vel. 750

Coque, indesimenter movendo spatulâ lignea, ad debitam spissitudinem, et erit cataplasma, cui ipsâ quâ apponetur horâ adde, si lubet,

Croci Sativi in pulverem redacti drachmam semis, vel. 2

2. CATAPLASMA E FARINIS ET PULPIS DICTUM *EMOLLIENTIENS*.

R̄. Farinarum emollientium uncias quatuor,
vel. 128

Diluantur in sufficienti quantitate decoctionis plantarum emollientium; deinde coquantur in pulstem; quo facto, vas ab igne remove et admisceantur

Pulpæ specierum emollientium recenter præparatæ uncia quatuor, vel. 128

Vel ejus loco, pulveris specierum emollientium uncia una, vel. 52

Coque denuò ad debitam spissitudinem.

N. B. Cum Cataplasmata emollientibus parata excipiendis sæpè aptentur medicamentis valentioribus, ut penitiùs horum vis per emollitam cutem absorbeatur; multa, ipsis non incoqui, sed paulò antequam apponantur admisceri præstat. Talia sunt, verbi gratià, *Cicutæ pulvis*, aut *Croci*, aut aliorum, præsertim quæ partibus valent, quarum virtus decoctione aut perit omnis, aut multùm infringitur.

3. CATAPLASMA E PULPIS ET UNGUENTO, DICTUM *AD SUPPURATIONEM PROMOVENDAM*.

R̄. Farinarum resolventium uncias quatuor,
vel. 128

Coque cum sufficienti quantitate decocti Plantarum emollientium, ad debitam spissitudinem.
Tùm adde,

Pulpæ bulborum Liliæ albi recenter præparatæ uncias duas, vel.....	64
Pulpæ è decoctis foliis Rumicis Acetosæ uncias duas, vel.....	64
Unguenti, vel Basilici vel Fusci unciam unam, vel.....	52

Misce accuratè.

N. B. Unguentum aliquantulo oleo diluere prodest, ne, pulpis aliis non sat benè immixtum, concreseat frigescendo, et in ipso Cataplasmate ab ipsis dissocietur.

4. CATAPLASMA CUM KINA ET CAMPHORA, DICTUM
ANTISEPTICUM.

R̄. Farinæ hordei uncias sex, vel.....	192
Aquæ communis libram unam, vel.....	500
Corticis Peruviani in pulverem triti unciam unam, vel.....	52
Bulliant simul per quadrantem horæ, inde sinenter movendo spatulâ lignæ, ad debitam Cata- plasmatis spissitudinem, cui semirefrigerato adde Camphoræ in pulverem redactæ drachmiam unam, vel.....	4

5. CATAPLASMA E PAPAVERE COMPOSITUM ET HYOS-
CYAMO, DICTUM *ANODYNUM.*

R̄. Capsularum Papaveris albi minutim concisarum un- ciam unam, vel.....	52
Foliorum Hyosciami nigri recentium uncias duas, vel.....	64
Ità Bulliant cum sufficiente quantitate Aquæ	

communis, ut, coctione peractâ, supersit liquoris
circiter libra una et semis, vel..... 750

Cola, et colato decocto dilue farinarum emol-
lientium uncias quatuor, vel..... 128

Dein coque, indesinenter movendo, ad spissi-
tudinem Cataplasmatum.

6. CATAPLASMATA È PIPERE ET ACETO, DICTUM ANTI-
PLEURITICUM, VEL RUBEFACIENS.

R. Hordei leviter torrefacti et in pulverem
redacti uncias quatuor, vel..... 128

Aceti acerrimi unciam unam, vel..... 52

Albumina ovorum n° 5.

Misce in mortario marmoreo et cum sufficienti
quantitate aquæ communis fiat massa extendenda
suprà stupas linteas impositas; deiu superficiem hu-
jus Cataplasmatum superinsperge mixtos pulveres
paratos ex

Piperis nigri unciâ semis, vel..... 16

Et seminum Feniculi unciâ semis, vel..... 16

7. CATAPLASMA EX SINAPI seu SINAPISMUS.

R. Pulveris seminum Sinapi recentium *quantum erit opus.*
Aceti Acerrimi..... *quod sufficit.*

Misce in mortario marmoreo ad debitam Cataplasmatum
spissitudinem, quod aut purum, aut, pro rei necessitate,
variè compositum à medico præscribetur; modò scilicet fa-
rinæ Hordei aut Lini quantitate variâ remiscebitur, ut fiat
mitius; modò contrâ, additis Cochleariæ Armoraciæ radice

radulâ comminutâ, Allii bulbis contusis, aut aliis id genus, ut efficacius evadat.

Eo tantum tempore quo in usum requiritur, præparandum est.

II. FOTUS SEU FOMENTA, LOTIONES.

Fotus seu *Fomenta Lotionesque* dicuntur à Medicis, non actus tantum fovendi lavandi que, sed et medicamenta liquida quibus foventur, humescunt lavanturque partes externæ morbo affectæ, aut quibus aliquis subjacet morbus.

Plantarum infusa decoctave, lac, Vinum sive simplex, sive aromaticum sit, pro Fotu et Lotione esse possunt, prout singula à naturâ morbi requiruntur.

Tepidi sæpius adhibentur Fotus, ope pannorum aut linteorum quæ ipsis immaduere. At etiam, pro liquidorum quibus constant naturâ et morbi necessitate, quandoquæ frigidi apponuntur, quandoquæ calore suprâ teporem intensiori. Pleraque à medicis ex tempore, pro re natâ, præscribuntur. Sequentia tantummodò in exemplum sint.

1. FOTUS E MUCAGINIBUS, DICTUS EMOLLIENS.

R. Decoctorum ex Radicibus Althææ officinalis foliisque Malvæ paratorum..... quod sufficit.
Semina Lini in radice Althææ locum suffici, et folia Herbarum emollientium quarumlibet Malvæ vices implere facile possunt.

2. FOTUS EX SUB-ACETATE PLUMBI SIMPLEX, VULGÒ
AQUA VEGETO-MINERALIS.

V. pag. 255, inter Acetates, n° 6, SUB-ACETAS PLUMBI
LIQUIDUS.

3. FOTUS EX VINO AROMATICUS ET CAMPHORATUS.

Rj. Vini aromatici libras duas, vel..... 1,000
Alcoolis Camphorati uncias duas, vel..... 64
Misc.

Hoc in Fotu ratio Alcoolis Camphorati ad Vinum aroma-
ticum erit circiter ut 1 ad 16. Varia tamen, pro lubitu, esse
potest.

4. FOTUS EX HERBIS ET SUB-ACETATE PLUMBI, DICTUS
EMOLLIENS ET RESOLVENS.

Rj. Decocti Herbarum emollientium libras duas,
vel..... 1,000
Sub-Acetatis Plumbi liquidi (vulgò *Extracti Sa-*
turni) drachmas duas, vel..... 8
Misc.

5. LOTIO HYDRO-SULFURATA, AD SCABIEM, A. D. DU-
PUYTREN PROPOSITA.

Rj. Aquæ communis..... 1,000
Sulfureti Potassæ..... 96
Acidi Sulfurici (66°)..... 4
Solvatur aquâ Sulfuretum; solutoque admisceatur aci-

dum; misceantur autem omnia tantum utendi tempore. Potest in Acidi Sulfurici locum suffici Acidum Aceticum, auctâ tamen hujus ad alia ratione.

N. B. Expeditius hoc utuntur linimento Milites, peregrinantes, inopes et alii, quibus uti commodè non licet balneis aut vaporibus hydrosulfuratis, aut etiam unguentis ad Scabiem vulgaribus.

III. COLLYRIA.

In oculorum morbis ea medicamina quæ oculis palpebrisve aptantur medicandis, eluendis, abstergendis, Collyria dicuntur. Sicca ea sunt, aut Mollia, aut Liquida.

Sicca pulveribus constant quos semper subtilissimos esse convenit.

Sacchari crystalli puriores, in pulverem subtilissimum redacti, sales quidam tenuissimè triti, quales sunt Ammonia Murias, Sulfas Zinci parca quantitate Saccharo commixti, etc., siccorum Collyriorum materiam suppeditant.

Ea vulgò ope calami scriptorii, ex quo ipsis per foraminulum patet exitus, flatu in oculum excludi solent. At enim talia non nisi magnâ cum cautelâ adhibenda sunt.

Mollia. Unguentorum formam quadamtenus referunt et vulgaribus unguentis firmius paulò consistunt. Hujus censûs præcipuè sunt quæ inter Unguenta aut Pomata describenda sunt: *Unguentum de Oxido Zinci*, vulgò de *Tuthiâ* dictum, et *Unguentum de Oxido Hydrargyri rubro*, vulgò

dictum *Ophthalmicum*, quæ inter Adipes medicatos referentur.

Liquida ex Aquis stillatitiis, infusis Plantarum et decoctis variè conficiuntur, admixtis etiam diversis quandoquæ, pro indicationum naturâ, materiis.

Collyriorum formulæ *magistrales* ut plurimum esse solent. Sunt tamen ex his medicamentis usitatiora quædam, inter liquida præsertim, quæ hoc in Codice locum obtinere debent.

1. COLLYRIUM OPIATUM SEU ANODYNUM.

R. Aquæ Rosarum stillatiæ uncias duas, vel. 64 ,00
 Gummi Arabici drachmam semis, vel. 2 ,00
 Vini opii fermentatione parati guttas sex, circiter grana septem, vel. 0 ,35
 Quæ tenebunt extracti Opii ferè granum unum.
 Misce.

2. COLLYRIUM DE SULFATE ZINCI.

R. Sulfatis Zinci drachmam unam, vel. 4
 Aquæ stillatiæ de Rosis, libram unam, vel. 1,000
 Alcoholis (12 = 22 ° B°) unciam unam, vel. 32
 Misce.
 Quidam huic Collyrio addunt Sacchari crystallorum unciam unam, vel. 32

3. COLLYRIUM DE SALIBUS IGNE FUSIS, OLIM VOCATIS
LAPIS DIVINUS.

R. Sulfatis Cupri puri uncias tres, vel. 96
 Nitratis Potassæ puri uncias tres, vel. 96

Sulfatis Aluminæ puri uncias tres, vel.....	96
In pulverem accuratè redacti et mixti igne liquentur in cymbio fictili aut in crucibulo.	
Liquatis adde	
Camphoræ in pulverem tritæ drachmam unam, vel.....	4
Massa refrigerata, effracto vase, seponatur et servetur.	
℞. Materiæ sic paratæ drachmam unam, vel..	4
Aquæ communis libras duas, vel.....	1,000
Solve, et erit Collyrium servandum in usus.	

IV. LINIMENTA.

Linimenta medicamenta ea sunt, quæ cutis superficiei illinuntur, sive ipsi aut sub ipsâ morbus inhæreat, sive insideat partibus inunctæ regioni subjectis; quorundam ad interna quoque, sorbente cute, videtur actio transmitti.

Plerumque inter Oleorum fluiditatem et mollitiem adipis suilli medius consistit Linimentorum lentor.

Multæ ipsis admisceri possunt materiæ, quarum virtutes morborum naturæ accomodantur; verùm omnes ferè semper, ut illinantur, vel Oleo, vel Adipe solvendæ sunt; sæpè Saponè admixto, si difficilius Oleo commisceri queant.

Pleraque Linimenta ex tempore præscribuntur à Medicis, et sic, pro re natâ parantur. Nihilominus quasdam in exemplum asserre non inutile visum est Linimentorum formulas frequentius usitatas.

1. LINIMENTUM AMMONIACALE.

(*V. SUPRA INTER SAPONES, n° 5, p. 266.*)

2. LINIMENTUM OLEOSO-CALCARIUM, AD AMBUSTA.

(*V. SUPRA INTER SAPONES, n° 5, p. 267.*)

Opiatum etiam fit idem Linimentum sequenti modo.

R̄. Aquæ Calcis libram semis, vel..... 250
 Olei Amygdalarum dulcium libram semis, vel. 250
 Laudani liquidi Sydenhami drachmas duas,
 vel..... 8
 Misceantur omnia et turbido sic liquore lintea madescant,
 ut ipsis ambustæ partes involvantur.

3. LINIMENTUM SAPONACEUM OPIATUM.

R̄. Tincturæ Opii Alcoolicæ unciam unam,
 vel..... 52
 Saponis Amygdalini, unciam semis, vel... 16
 Olei Amygdalarum dulcium aut Olivarum un-
 cias duas, vel..... 64
aut quantum libuerit.

Soluto ope Tincturæ Sapone, terendo commisceatur
 accuratè Oleum, ut fiat Linimentum, in quo, pro re natâ,
 varia esse potest Olei ad Tincturam ratio.

4. LINIMENTUM CAMPHORATUM.

R̄. Olei Olivarum..... 64
 Camphoræ..... 2 ad 8
 Misce accuratè.

Possunt Olivo suffici Olea medicata simplicia vel compo-
 sita, ut Chamæmeli, aut Hyoscyami, aut aliorum.

5. LINIMENTUM E CANTHARIDIBUS CAMPHORATUM.

Rj. Tincturæ Cantharidum semi-unciam, vel..	16
Olei Amygdalarum dulcium uncias quatuor,	
vel.....	128
Saponis Amygdalini unciam unam, vel.....	32
Camphoræ drachmam semis.....	2
Solvatur in Oleo Camphora; ac deindè Tinctura, soluto Sapone, terendo admisceatur.	
Similia parantur ex Tincturis Scillæ, Digitalis purpureæ et aliis.	

6. LINIMENTUM HYDRO-SULFURATUM SAPONACEUM, AD SCABIEM. *D. JADELOT.*

Rj. Saponis communis.....	500
Liquescat balneo maris in vase fictili, et addantur	
Olei de seminibus Papaveris albi.....	250
Terendo misceantur intimè, et addantur	
Sulfureti Potassæ sicci et in pulverem triti...	100
Terantur iterùm, ut mistura fiat perfectior, addanturque inter terendum	
Olei de seminibus Papaveris.....	750
Fiat massa lentè diffluens cujus summa erit...	1600
Et ratio Sulfureti ad summam Linimenti erit ut.....	1 ad 16

V. OLEO CERATA, ADIPES MEDICATI, UNGUENTA OLEOSO-RESINOSA.

His nominibus significantur medicamina, quæ admixtis hinc Adipibus, Oleis, Cerâ, indè Extractis, Pulveribus,

Oxidis, aut Salibus Metallicis, Resinisque aut Balsamis conficiuntur.

Hæc inter quædam simpliciora mixtis constant admodum paucis, quædam multipliciter composita ex numerosis coalescunt.

Varia quoque in iis est densitatis soliditatisque vis, pro materiis quibus constant naturâ. Mollitie tamen pleraque melli proxima sunt, ut partes ipsis obduci et inungi faciliè queant.

Pro materiis ex quibus conficiuntur, variis inscribi subtilis, et diversis sectionibus annumerari possunt.

Primum genus eorum est quæ, ex Oleo et Cerâ unitis, *Cerata* vulgò, aut, adæquato magis nomine, *Oleo-Cerata* dici solent.

Alterum genus præcipuè constat *Adipibus medicatis*, quos Pomata plerumquè dixere; pars adipis habet aromaticis tantum inodoratos; pars alia conficitur Sulfure, atque etiam nuperrimè Phosphoro, aut Oxidis variis, Mercurii præsertim, adipe exceptis ipsove solutis; alia constant epispasticis aut infusis adipi, aut permixtis; quædam tandem parantur succis narcoticis adipi incoctis.

Tertium genus et cæteris solidius est, quod fit ex Resinis Oleo aut Adipi consociatis, ad quod pertinent ea præsertim quæ *Balsama* aut *Unguenta* nuncupantur.

Ut autem faciliè admodum corrumpuntur præcipuè Pomata et Cerata, frequentiùs innovanda sunt; et asservandi modus idem esse debet, quem Adipum Oleorumque esse diximus.

I. OLEO-CERATA SEU CERATA.

1. OLEO-CERATUM SIVE CERATUM SIMPLEX.

Rj. Olei Amygdalarum dulcium.....	12
Ceræ albæ purissimæ.....	4

Leni calore, balneo maris, liquescat in oleo Cera, donec omninò soluta sit et totus pelluceat liquor. Frigescat, et, cum duruerit, deradatur et teratur in mortario marmoreo, pistillo vitreo, ut grumi, si qui supersint, omninò evanescant.

N. B. Auctâ Ceræ ratione, ut sit ad Oleum ut 9 ad 16, et additâ ad colorem Anchusâ, habebitur Ceratum paulò solidius, dictum *Pomatum ad Labia demulcenda*; cui liquato et percolato, ad odoris gratiam, Olei volatilîs cujusvis aliquantulum admiscebitur; tunc infundetur in Pyxides ad hunc usum aptas, in quibus frigefactum solidescet.

2. CERATUM KINAKINA MEDICATUM.

Rj. Cerati simplicis.....	16
Extracti de Kinakinâ Alcoolici, parçâ Alcoolis quantitate diluti.....	2

Terantur misceanturque intimè; frigescat Ceratum et servetur ad usum.

5. OLEO-CERATUM AQUA SUBACTUM SEU CERATUM ALBUM, VULGÒ *CERATUM GALENI*.

Rj. Ceræ albæ et puræ.....	4
Olei Amygdalarum dulcium.....	16

Liquefiant simul leni calore in vase faventino et moveantur continuò, donec refrixerint. Dein

adde sensim sine sensu, et indesinenter agitando
in mortario marmoreo, pistillo ligneo,

Aquæ purissimæ, vel, si lubeat,

Aquæ Rosarum stillatiæ 12

Et erit Ceratum asservandum in vase faventino.

Simili modo paratur Ceratum cum Cerâ flavâ.

4. CERATUM SUB-ACETATĒ PLUMBI MEDICATUM, VULGÒ
DICTUM CERAT DE GOULARD.

Rj. Cerati Albi ut dictum est parati..... 500

Sub-Acetatis plumbi liquidi (*Extr. Saturni*).. 4

Misce accuratè in mortario marmoreo.

Sub-Acetatis ratio erit ad totum Ceratum ut 1 ad 125,
seu granorum viginti circiter pro uncis quatuor.

II. ADIPES MEDICATI VULGÒ POMATA
DICTI.

1.º ADIPES ODORATI.

1. ADEPS ROSIS MEDICATUS VULGÒ UNGUENTUM
ROSATUM.

Rj. Adipis Porcini recenter preparati et multo-
tiès Aquâ Rosarum loti..... 1,000

Rosarum pallidarum cum calycibus recentium
et contusarum..... 1,000

Mixtæ adipi Rosæ maneant per biduum; quo elapso, in eodem
adipe leni calore fuso par quantitas Rosarum iterùm maceretur per
alterum biduum, ac deuo fusus adeps exprimatur; tum demùm
balnei maris calore liquescens, positâ fæce, purum evadet Pomatum.

Color huic adipi vel Pomato ruber conciliari potest, ope radicis
Anchusæ tinctoriæ.

2. ADEPS LAURO MEDICATUS VULGÒ *OLEUM* AUT *UNGUENTUM LAURINUM*.

R̄. Foliorum Lauri (*Laurus nobilis*)..... 500
 Conterantur in mortario marmoreo, pistillo
 ligneo, cum adipis porcini..... 1,000
 Coquantur igne leni, donec omnis humor
 evanuerit.
 Sub finem adde
 Baccarum Lauri contusarum..... 500
 Digerantur balneo maris vase clauso per decem horas.
 Dein cola per linteum densum cum expressione; quo
 facto, positâ face, frigescat. Tunc liquetur denuò ut purum
 habeatur.

2°. ADIPES OXIDIS, SULFURE, etc.,
MEDICATI.5. ADEPS SUB-CARBONATE PLUMBI MEDICATUS, VULGÒ
DICTUM *UNGUENTUM ALBUM RHAZIS*.

R̄. Oxidi albi seu Sub-carbonatis Plumbi supra
 porphyriten levigati..... 500
 Adipis porcini leni calore molliti et modicè
 diffluentis..... 2,500
 Misce ope spatulae lignae.
 Et erit Pomatum in quo ratio Oxidi erit $\frac{1}{6}$; quod nunquam
 magnâ copiâ simul parandum est; facile enim rancescit.

4. ADEPS OXIDO ZINCI MEDICATUS DICTUM *UNGUEN-*
TUM DE TUTHIA.

R̄. Oxidi Zinci (vulgò *Tuthia*) sublimati et supra por-
 phyrinen levigati..... 8

Butyri Aquâ Rosarum loti..... 16
 Unguenti Rosati..... 16
 Misce accuratè in mortario marmoreo et erit Pomatum
 in quo ratio Oxidi erit ut 1 ad 5.

5. ADEPS OXIDO HYDRARGYRI RUBRO ET PLUMBI
 ACETATE MEDICATUS.

R̄. Butyri recentis Aquâ Rosarum frigidâ
 loti..... 4,5
 Camphoræ..... 0,25
 Oxidi Hydrargyri rubri..... 0,25
 Super-Acetatis Plumbi..... 0,25
 Accuratè misceantur terendo diù et fiat Po-
 matum, in quo ratio tum Oxidi, tum Acetatis ad
 Butyrum quo excipiuntur erit singulatim ut... 1 ad 18
 Adeoque utriusque grana quatuor tenebit hujus Pomati
 drachma una.

N. B. Hunc Adipem, Pomato, dicto *Ophthalmico*
D. Regent, similem, probante ut credunt analysi, propo-
 suere, *Baup, Duret (Bulletin de Pharmacie, 1814, p. 590)*.

6. ADEPS TARTRATE STIBII MEDICATUS.

R̄. Tartratis Stibii et Potassæ..... 5
 Adipis Suilli præparati..... 16
 Teratur primò seorsim tartras, ac deindè intimè Adipi
 misceatur, terendo in mortario vitreo.

7. ADEPS MURIATE HYDRARGYRI OXYGENATO MEDICA-
 TUS, VULGÒ POMATUM D. CYRILLO.

R̄. Deuto-Muriatis Hydrargyri (*Sublimati*
corrosivi),..... 4
 Adipis Suilli præparati..... 32
 45

Teratur primò Deuto-Murias seorsim; deindè intimè Adipi misceatur terendo in mortario vitreo; quæ demùm mixta suprâ porphyriten accuratè levigentur.

8. ADEPS HYDRARGYRO MEDICATUS vulgò *UNGUENTUM NEAPOLITANUM*.

R̄. Adipis Suilli loti et præparati..... 500
Hydrargyri purissimi..... 500

Misce accuratè in mortario marmoreo vel ferreo, indenter terendo Hydrargyrum cum tertiâ parte Adipis, donec fiat inconspicuus; dein adde paulatim et per vices reliquum adipem, et erit Unguentum, in quo Hydrargyri ratio erit Adipi æqualis, seu massæ dimidium.

N. B. Si Adipi et Hydrargyro commiscendis terendo addideris quartam partem Unguenti jam antea præparati, consociabuntur multò facilius, et brevi tempore opus omne absolvetur.

9. ADEPS SEU UNGUENTUM EX HYDRARGYRO MITIUS, DICTUM *CINERITUM*.

R̄. Unguenti Neapolitani..... 250
Adipis Suilli..... 750
Misce accuratè in mortario ferreo et erit Unguentum in quo Mercurii ad massam ratio erit ut. . 1 ad 8

10. ADEPS NITRATE HYDRARGYRI MEDICATUS, vulgò *UNGUENTUM CITRINUM AD SCABIEM*.

R̄. Hydrargyri purissimi..... 64
Acidi Nitrici puri (52 ̄)..... 96
Peractâ Mercurii dissolutione et refrigerato liquore,
R̄. Adipis Suilli repurgati et liquefacti..... 1,000

Tere in vase figulino paulatim affundendo liquorem nitratis Hydrargyri supra dictum. Simul ac erunt omnia commixta, materiam adhucdum liquidam divide in formas chartaceas, in quibus paulò post indurescet in tabellas, et erit Unguentum in quo Nitratis Mercurii ratio ad summam erit ut 1 ad 7,25.

10. ADEPS SULFURE ET AMMONIÆ MURIATE MEDICATUS
SEU *UNGUENTUM SULFURATUM AD SCABIEM.*

R̄.

Adipis Porcini præparati.....	120
Sulfuris sublimati et loti.....	60
Muriatis Ammoniae in pulverem redacti.....	4
Sulfatis Aluminae et Potassae in pulverem triti.	4

Misce accuratè in mortario marmoreo.

12. ADEPS SULFURE ET CARBONATE POTASSÆ MEDICATUS, SEU *UNGUENTUM SULFURATUM ALCALINUM AD SCABIEM D. HELMERICH.*

R̄.

Adipis Suilli præparati.....	800
Sulfuris Sublimati et loti.....	200
Carbonatis Potassae purissimi.....	100

Misce accuratè in mortario marmoreo pistillo ligneo.
Serva ad usum.

15. ADEPS OPE PHOSPHORI MEDICATUS.

R̄.

Phosphori purissimi.....	1
Adipis Suilli recentis.....	1,000
Aquæ.....	100

Bulliant in vase faventino aut fictili crusta vitrea obducto, donec et resolutus sit omnino Phosphorus, et aqua in vapores soluta sit tota. Liquidum Adipem aut Phosphoro, aut Hydrogenio Phosphorato fetum cola per chartam bibulam.

Et, si libuerit, adde

Olei de Lavandulâ volatilis..... 1

Sic fiet Unguentum seu Pomatum Phosphoratum, quod in tenebris aliquantulum lucere deprehenditur.

14. POMATUM VEL UNGUENTUM NITRICUM, SEU OXYGENATUM.

R̄. Adipis Suilli purissimi..... 500

Leni igne liquescat; adde

Acidi Nitrici (52^g)..... 64

Supposito igne, massa assidue moveatur bacillo vitreo, donec ebullire cœperit; quod ubi fiet, statim ab igne remotam movere perge, donec cessaverint bullæ. Tunc demum in modulos chartaceos effunde ut concreseat.

3°. ADIPES EPIPASTICIS MEDICATI.

15. ADEPS CORTICE DAPHNES GNIDII MEDICATUS SEU UNGUENTUM EPISPASTICUM DE DAPHNE GNIDIO, VULGÒ POMADE DE GAROU.

R̄. Adipis Porcini præparati..... 520

Ceræ..... 52

Corticis Daphnes Gnidii præparati..... 128

Liquentur Adeps Ceraque simul; addatur cortex aquâ aliquantulum humescens; bulliant donec humor omnis absumptus fuerit, coentur, resideant, et cum refrixerint, Pomatum abradatur sensim à summo ad inum, ac deindè teratur, ut gramis omninò careat.

16. ADEPS CANTHARIDIBUS MEDICATUS vulgò POMATUM, SEU UNGUENTUM EPISPASTICUM VIRIDE STIMULANS ACRIUS.

R. Pulveris Cantharidum subtilissimi..... 64
 Adipis Papavere medicati (vulgò Unguentum populeum)..... 1,680
 Cerae albæ..... 256
 Oxidi Cupri (vulgò Viride æris, Vert de gris). 24
 Extracti Opii..... 24
 Liquescant simul Unguentum Populeum et Cera, quibus, antequàm refrikerint, adjungenda sunt Oxidum Cupri, Cantharides et Opium, quæ supra Porphyriten, addito simul Olei pauxillo, simul usquè leviganda sunt, dum intimiùs permisceantur; fiet Pomatum cujus summa erit.. 2,048
 Et in quo Cantharidum ratio erit ut..... 1 ad 52
 Ratio autem tum Oxidi Cupri, tum Opii circiter ut..... 1 ad 85

17. ADEPS CANTHARIDIBUS MEDICATUS ALIUS, vulgò POMATUM EPISPASTICUM FLAVUM ET MITIUS.

R. Pulveris Cantharidum crassius triti..... 120
 Adipis Suilli..... 1,680
 Aquæ..... 250
 Liquato Adipe, diluantur Cantharides, aqua simul admixta; omnia leni igne liquida permaneant et continuò spatulâ moveantur per duas horas, identidemque sufficiatur aquæ pauxillum in locum prioris in vapores solutæ. Trajiciantur deindè per linteum et exprimantur; liquescere

pergant calore balnei maris, additis, coloris causâ,

Radiciſ Curcumæ in pulverem tritæ..... 8

Et ſub hoc ipſo balnei calore colentur per chartam emporeticam: Colata lentè frigescant, ut sensim secedat humor superfluous, postea, liqualis iterum admisceantur,

Ceræ flavæ..... 250

Tum verò gratum odorem conciliare licebit additis

Olei Citrei volatilis..... 8

In hoc unguento habebitur extractum Oleosum grani unius Cantharidum circiter pro unciâ semis unguenti.

4°. ADIPES NARCOTICIS MEDICATI.

18. ADEPS PAPAVERE, HYOSCYAMO ET BELLADONA MEDICATUS VULGÒ *UNGUENTUM POPULEUM*.

Rj. Gemmarum Populi nigrae recentium.... 500

Macerentur per quatuor et viginti horas in

Adipis Porcini præparati et liquefacti..... 1,500

Serva, donec adoleverint herbae sequentes;

Tum recipe foliorum recentium,

Papaveris nigri..... 128

Belladonæ (*Atropa Belladonna*)..... 128

Hyoscyami (*Hyoscyamus niger*)..... 128

Solani (*Solanum nigrum*)..... 128

Contusa omnia misceantur cum adipe et gemmis Populi. Coquantur igne moderato, identidem agitando, ad humoris consumptionem; tum cola, torculari exprime, et Unguentum defecatum conserva.

III. UNGUENTA MOLLIA , OLEOSO-RESINOSA ,
BALSAMA VULGÒ DICTA.

Unguenta hic speciatim diximus ea quæ sat mollia sunt ut inungi queant. Quædam Linimentorum more partibus integris illinuntur, et verè priscum Unguentorum nomen et naturâ et usu merentur; alia partibus aut rumpendis, aut ruptis, ulceribusque sæpè apponuntur, et ab Unguentis solidis seu Emplastris eo tantùm differunt, quod molliora sunt et faciliè extenduntur, et non obtegunt tantùm partes, sed in eas vi medicatâ pollent evidentiori.

1. UNGUENTUM EX OLEIS VOLATILIBUS , BALSAMO PERUVIANO ET CAMPHORA COMPOSITUM, DICTUM *BALSAMUM NERVINUM*.

R̄. Medullæ Bovinæ præparatæ uncias quatuor,
 vel..... 128
 Olei de Nuce Moschatâ concretæ uncias quatuor, vel..... 128
 Oleorum volatilium
 Rosmarini drachmas duas vel..... 8
 De Caryophyllis aromaticis drachmam unam,
 vel..... 4
 Camphoræ drachmam unam, vel..... 4
 Balsami Peruviani sicci drachmas duas, vel... 8
 Alcoolis (26 = 36 B^s) unciam semis, vel.... 16

Liquentur simul Medulla et Oleum concretum, et in lagenam ostio latiore patentem infundantur; addantur deindè Olea volatilia et Camphora in pulverem trita, atque Balsamum Alcoole solutum. Omnia simul liquentur balneo maris

miscellanturque intimè, et servantur in vasis vitreis perfectè obturatis.

2. UNGUENTUM DE TEREBINTHINA ET OVORUM VITELLIS,
QUOD VOCANT *DIGESTIVUM SIMPLEX*.

Rj. Terebinthinæ puræ.....	64
Vitellos ovorum n° 2 circiter.....	32
Misce diù in mortario vitreo sensim addendo Olei Hyperici coquendo parati	<i>quantum satis.</i>
Ut ex toto fiat Unguentum lentè diffuens.	
<i>N. B.</i> Vis ipsi detergendi efficacior, pro rei necessitate, addetur, admixtâ Melliti de Acetate Cupri (<i>Ung. Ægyptia-</i> <i>cum</i>) variâ quantitate.	

3. UNGUENTUM DE TEREBINTHINA ET CERA, DICTUM
VULGÒ *DE ALTHÆA*.

Rj. Olei de Mucaginibus.....	1,000
Ceræ flavæ.....	250
Resinæ puræ.....	125
Terebinthinæ.....	125
Liquefiant omnia, colentur per linteum; spatulâ lignea exagitentur, donec refrixerint, et fiat Unguentum.	

4. UNGUENTUM DE TEREBINTHINA CAMPHORATUM, VULGÒ
BAUME DE GENEVIÈVE.

Rj. Olei Olivarum.....	384
Ceræ flavæ.....	64
Santali rubri in pulverem redacti.....	16
Terebinthinæ.....	128
Camphoræ.....	2
Digerantur leni calore; Camphora verò paulò antè addatur miscaturque quàm refrixerit Unguentum.	

5. UNGUENTUM DE TEREBINTHINA ET ADIPIBUS, VULGÒ
BALSAMUM ARCÆI.

Rj. Sebi Ovilli.....	1,000
Terebinthinæ puræ.....	750
Resinæ Elemi puræ.....	750
Adipis Porcini.....	500

Liquentur simul, colentur, ut fiat Unguentum.

6. UNGUENTUM DE STYRACE COMPOSITUM.

Rj. Olei de Nucibus expressi.....	350
Styracis liquidæ et puræ.....	225

Liquefiant simul leni calore identidem agitando;

Sinito residere, Cola;

Adde Colophoniam puram.....	480
Resinæ Elemi puræ.....	192
Ceræ flavæ.....	192

Ignem modico liquatis omnibus, cola per linteum, ut fiat Unguentum.

7. UNGUENTUM DE PICE ET CERA DICTUM BASILICUM.

Rj. Picis nigræ.....	32
Colophoniam.....	32
Ceræ flavæ.....	32
Olei Olivarum.....	128

Liquecant simul Pix nigra et Colophonia, quibus fuis, addantur Cera et Oleum, et tandiu super ignem agitentur, donec permixta atque omninò soluta sint omnia; tum per

linteum colentur et Pistillo ligneo usque moveantur, dum tantummodo tepescat Unguentum. Tum demum effundatur in vasa in quibus asservandum est.

N. B. Ideo præstat Resinæ Pineæ Colophonia, quod, admissa, ut solitum erat prius, Resinâ, ex hujus humore innato, dum decoquitur, intumesceret Unguentum, mixtorumque fieret solutio difficilis; omnia verò et solvuntur plenius, et facilius absolvuntur, adhibitâ in Resinæ locum Colophoniâ.

N. B. Hoc Unguentum ut stimulet acrius, addi potest pro singulis Unguenti unciis, vel pro..... 52
Oxidi Mercurii rubri drachma senis, vel.... 2

VI. E M P L A S T R A.

Iisdem ferè materiis Emplastra constant, quibus et Unguenta: ita tamen perficiuntur ut non æquè incalescendo diffuant, soliditatemque obtineant quæ varias induere et servare formas, partibusque aptata ad ipsas componi, atque ipsis inhærere valeant aliquandò pertinaciùs.

Duplum distingui debet Emplastrorum genus.

Aliud nempe conficitur ex variis medicaminibus Adipi, Oleis, Ceræ, Resinisve commixtis; neque talia ab Unguentis modò descriptis nisi soliditate discrepant.

Alterum genus ex solutis Plumbi Oxidis præcipuam mutuatur soliditatis vim; inter quæ alia, aquâ intermixtâ, alia absque eâ decoquuntur. Hæc ultima ignis vi nigrescunt, atque ideò, non satis apto nomine, *usta* dici solent.

Multæ Emplastris admisceri possunt materiæ, ex quibus

variæ ipsis conciliantur proprietates. Cavendum ne in duriorē Massam ita solidescant, ut tractari facile et supra alutas aut lintea extendi nequeant.

Emplastra incorrupta diu asservari valent; temporis tamen lapsu ita exsiccantur, ut digitis tractata frangantur, et tunc ut obsoleta rejici debent.

I. EMPLASTRA OXIDIS CARENTIA SEU
UNGUENTA SOLIDA.

1. EMPLASTRUM DE CERA.

R̄. Cerae Citrinæ.....	30
Sebi Ovilli præparati.....	30
Picis albæ.....	10

Liquentur simul et misceantur.

2. UNGUENTUM SOLIDUM DE CICUTA SEU EMPLASTRUM
DE CICUTA.

R̄. Resinæ Pini.....	960
Cerae Citrinæ.....	640
Picis albæ.....	448
Olei de Cicutâ coquendo parati.....	128
Foliorum Cicutæ (<i>Cicuta officinalis</i>) recentium contusorum.....	2,000

Liquentur leni igne Resinæ et Cera Oleo mixta, additisque Cicutæ foliis, simul coquantur in Emplastrum. Huic per pannum fortiter expresso, per misceantur Aceto Scillitico et Succo Cicutæ soluta et inspissata

Gummi resinæ Ammoniaci.....	500
-----------------------------	-----

Misceantur omnia accuratè indiesinenter movendo , et habebitur Emplastrum cujus Massa erit circiter 4,676, et quam mos est effingere in cylindros, dictos vulgò *Magdalia*, *Magdalides*, *Magdaleones*.

3. UNGUENTUM SOLIDUM DE RESINIS ET GUMMI-RESINIS,
VULGÒ *EMPLASTRUM DE MUCAGINIBUS*.

Rj. Olei Mucaginum..... 240
Resinæ Pini..... 96
Terebinthinæ..... 52
Resina et Terebinthina igne liquefiant Oleo mixta, et colentur. Colatis admisce
Ceræ Citrinæ..... 1,000
Semi refrigeratis adde, postquam Alcoole (10=20 B²) erunt soluta, et in mellis spissitudinem vaporando addensata,
Gummi Resinæ Ammoniaci..... 52
Opopanacis..... 52
Tum admisce
Crocī in pulverem triti..... 10
Misce accuratè, ut fiat Emplastrum in cylindros effingendum cujus Massa erit 1,442.

4. EEMPLASTRUM DE PICE ET RESINIS GLUTINANS,
DICTUM *ANDRÆ A CRUCE*.

Rj. Picis albæ..... 128
Resinæ Elemi..... 52
Terebinthinæ puræ..... 16
Olei Laurini..... 16
Liquefiant moderato igne, cola per linteum, et erit Emplastrum cujus summa erit 192.

5. EMPLASTRUM E CANTHARIDIBUS EPISPASTICUM SOLIDIUS ET TENACIUS HÆRENS, VULGÒ *EMPLASTRUM VESICANS*.

R̄. Picis albæ.....	240
Therebinthinæ puræ.....	80
Ceræ flavæ.....	180
Liquefiant simul : trajiciantur per linteum dēnsioris textūs , moveantur aliquandiū , et ab igne remotis adde	
Cantharidum in pulverem subtilissimum contritarum.....	125
Misce accuratissimè ut fiat Emplastrum in cy- lindros effingendum cujus Massa æquabit.....	625

Ratio autem Cantharidum ad Massam erit ut... 1 ad 5

N. B. Antequàm cuti apponatur aluta hoc emplastro obducta , ipsi prætereà , pro Medici arbitrio , vulgò inspergitur pulvis Cantharidum non ità subtilis , cui sæpè etiam Camphora admiscetur.

6. EMPLASTRUM E CANTHARIDIBUS EPISPASTICUM MOLLIUS, VULGÒ *VESICANS ANGLICUM* DICTUM.

R̄. Emplastri de Cerà (*V. n° 1*),
 Adipis Suilli,
 Cantharidum in subtilissimum pulverem tritarum , *âũ partes æquales.*

Liquatis emplastro et adipe , liquatà Cerà Oleoque solutà , remotisque ab igne , adjiciatur , antequam concrecant , Cantharidum pulvis , et accuratè commisceatur.

Huic emplastro plerumque non inspergitur pulvis Cantharidum.

II. EMPLASTRA CUM OXIDIS.

1^o. EMPLASTRA CUM OXIDIS PLUMBEIS AQUA
MEDIANTE COCTA.1. EMPLASTRUM EX OXIDO-PLUMBI SEMI-VITREO,
SEU EMPLASTRUM SIMPLEX.

R̄. Oxidi Plumbi semi-vitrei (*Lithargyri*) in
 tenuissimum pulverem triti..... 1,500
 Adipis Porcini 1,500
 Olei Olivarum..... 1,500
 Aquæ communis..... *quantum satis.*

Vasi primùm immittantur Adeps Oleumque, ac deinde
 Oxidum; incalescant sensim, spatulâque misceantur; tùm
 superaffusâ aquâ, bulliant, assiduè movendo ope spatulæ
 lignæ; aquæ in vapores solutæ nova identidem sufficiatur,
 donec solutum oxidum omninò fiat inconspicuum: tùm
 vase ab igne remoto, citò concreseat Emplastrum ab aquâ
 separandum, cujus Massa erit 4,500.

Oxidi autem ratio erit ad Massam ut. 7..... 1 ad 3.

2. EMPLASTRUM SIMPLEX GLUTINANS.

R̄. Emplastri simplicis..... 6
 Picis albæ..... 1

Liquetur Emplastrum leni calore; liquato addatur Pix et
 intimè misceatur.

5. EMPLASTRUM EX OXIDO PLUMBI RUBRO CAMPHORATUM, VULGÒ DICTUM *NORIMBERGENSE*.

Rj. Oxidi Plumbi rubri (vulgò *Minii*)..... 500
 Olei Olivarum..... 600
 Aquæ communis..... *quantum satis*.
 Coque ad perfectam Oxidi dissolutionem et humoris ferè consumptionem. Tum vas ab igne remove et adde
 Cerae flavae..... 500
 Et remoto sub finem igne, antequàm concrecant, addantur
 Camphoræ..... 24
 Quibus optimè permixtis perficiatur Emplastrum.
 Color Emplastro conciliabitur ruber, si propè jam cocto addantur Oxidi Plumbi rubri..... 60
 Tunc erit Oxidi ratio ad Massam circiter ut... 1 ad 4

4. EMPLASTRUM CUM GUMMI-RESINIS, DICTUM *DIACHYLUM GUMMATUM*.

Rj. Emplastri simplicis..... 1,600
 Cerae Citrinae..... 96
 Picis albæ..... 96
 Terebinthinae..... 96
 Liquefiant hæc primùm modico igne, tum
Rj. Gummi-Resinarum Ammoniaci..... 52
 Bdellii..... 52
 Galbani..... 52
 Sagapeni..... 52

Solvantur in

Alcoolis (10=20 B^t)..... *sufficienti quantitate.*

Et vaporent in mellis spissitudinem, ac deindè liquato Emplastro accuratè admisceantur : Gummi-Resinarum ratio erit ad Massam Emplastri ferè ut..... 1 ad 19

5. EMPLASTRUM SAPONACEUM.

R̄. Oxidi Plumbi rubri (vulgò *Minii*) in pulverem probè triti..... 500
 Oxidi albi seu Sub-Carbonatis Plumbi (vulgò *Cerussa*)..... 250
 Emplastri simplicis..... 2,000
 Ceræ albæ..... 96
 Aquæ communis..... *quod satis.*
 Coque assiduè movendo ad perfectam Oxidorum solutionem. Tum vas ab igne remove et, aquà abjectà, admisce

Saponis albissimi sicci et derasi..... 125

Coque denuò leni igne, et erit Emplastrum, cui, ex tempore, si libuerit, Camphora addi potest.

Saponis autem ratio erit ad Massam Emplastri circiter ut 1 ad 24.

6. EMPLASTRUM DE HYDRARGYRO COMPOSITUM, VULGÒ DE VIGO CUM MERCURIO EMENDATUM.

R̄. Emplastri simplicis..... 1,250
 Ceræ flavæ..... 64
 Resinæ Pini..... 64

Quibus liquatis, plenè solutis et semi-frigidis, nondùm verò concretis, addantur pulveres

Gunmi-Resinarum Ammoniaci.....	20
Bdellii.....	20
Olibani.....	20
Myrrhæ.....	20
Croci (<i>Crocus Sativus</i>).....	12
Misce accuratè. Interea	
℞. Hydrargyri.....	580
Terebinthinæ puræ.....	64
Styracis liquidæ et puræ.....	192
Terantur diù in mortario ferreo donec, Mercurius fiat inconspicuus. Quo facto, adde Emplastrum supra paratum, liquefactum, modicè calens, et misce intimè, ac demùm, antequàm concreseat, adde	
Olei Lavandulæ volatilis.....	8
Misce ut fiat Emplastrum, in quo Hydrargyri ratio ad Massam erit circiter ut 1 ad 8.	
Notandum est ad conficiendum hoc Emplastrum non utendum esse cupreis, sed ferreis tantummodò vasis.	

3°. *EMPLASTRUM CUM OXIDIS AQUA NON MEDIANTE.*

7. *EMPLASTRUM FUSCUM, VULGÒ UNGUENTUM MATRIS THECLÆ.*

(*Onguent de la Mère.*)

℞. Olei Olivarum.....	500
Adipis Porcini.....	250
Butyri recentis.....	250
Sebi Arietini.....	250

Quibus simul fuis, fumo jam exhalante, partitis vicibus adjiciantur

Oxidi Plumbi semivitrei (vulgò *Lithargyri*) in pulverem triti..... 250

Quibus usquè coctis, donec Massa ex fusco nigrescat, adde

Ceræ flavæ..... 180

Picis nigræ..... 80

Sic fiet Emplastrum.

N. B. Nisi huic Emplastro Pix nigra sub finem adderetur, ipsius superficies sensim fuscum colorem cum flavo albicante, temporis lapsu, commutaret.

S. EMPLASTRUM EX MIXTIS QUATUOR, QUÆ DICUNTUR
VULGÒ *RESOLVENTIA*.

Rj. Emplastrorum Saponacei,
De Cicutâ,
De Gummi - Resinis, seu
Diachyri gummati,
De Hydrargyro compositi. *ââ parte
æquales.*

Liquentur simul in cymbio fictili vitreo encausto obducto, Balnei maris calore; liquata deindè in ollâ ferreâ intimè misceantur.

VI. TELÆ MEDICATÆ, etc.

TELÆ DICTÆ *SPARADRAP*, *CEREOLI*,
GLANDES SUPPOSITORIÆ.

Hoc nomine *Sparadrap* significantur Telæ Cannabinæ, Linæ, aut textus Sericei, aut etiam Chartæ papyraceæ

quorum aut una, aut utraque facies Emplastro aliquo liquato penicillo obducta est; vel quæ ipso mersa utrimquè immaduère.

Ut sit benè commodèque confectum *Spadarap*, id præcipuè requiritur ut, quocumque modo ipsi inducta sit materies, tenuem, æqualem lævemque per omnem superficiem sese præbeat, textusque ipse lentus tractabilisque maneat, sitque ità glutinosus, ut et cuti adhærescat facilè, et ab eâ sic detrahî possit, ut ablatum materia obducta sequatur tota, et nullis cutem deturpet vestigiis.

Quædam instrumenta præparandis hisce Telis apta inventa sunt, quæ describere hujus loci non est; omnia autem quæcumquæ sint, peritis assuefactisque æquè succedunt.

Emplastra, *Diachylum gummatum*, *Norimbergense*, *Simplex*, etc., Cerata ipsa plerumque in hoc Telarum genere conficiendo usurpantur; sunt tamen quædam composita quæ in hunc usum, in simpliciorum vulnerum curâ, vulgò et commodè satis adhibentur, quorum formulas hic exarare non extrâ rem nostram visum est.

I. TELA SEU SPADARAP VULGARE.

Rj. Cereæ albæ minutim concisæ.....	64
Olei Amygdalarum dulcium.....	52
Terebinthinæ.....	8

Liquefiant simul balneo maris. Pro tempestate aut Medici judicio, ratio Cereæ et Olei major vel minor esse potest: indè parentur Sparadrap secundum artem.

2. SPARADRAP EX EMPLASTRIS.

R̄. Emplastrorum Simplicis.....	15
De Gummi - Resinis, seu	
Drachyli Gummati.....	15
Cerae Flavæ.....	5
Terebinthinae.....	5

Liquentur simul Balneo maris, et supra Telas extendantur.

3. CHARTA CERATA.

R̄. Cerae puræ et albæ.....	48
Terebinthinae puræ.....	48
Olei Ceti concreti (vulgò <i>Spermaceti</i>).....	52

Liquefiant simul balneo maris, et spatulâ vel alio instrumento ad id aptiori extendantur super chartulas.

4. SERICUM, DICTUM *ANGLICUM*.

R̄. Ichthyocollæ Selectæ.....	64
Aquæ communis.....	250
Alcoolis (12 = 22 B ^s).....	500

Ichthyocolla in frustula concidatur; digeratur aquâ, in vase fictili faentino, supra arenam; soluta per linteum coletur; admisceatur demum Alcohol, vaporentque omnia leni igne ad dimidias; iterum cola.

Tunc Serico in fascias secto probeque extenso, penicilli ope, liquor tepidus leviter inducatur. Quo siccato, iterum atque tertio, imò si præstet, quater et quinquies illinendus est.

Odoris gratia conciliabitur adhibitâ Peruviani balsami tincturâ, quam eodem modo licebit inducere, eâ tamen cautelâ, ut, cum sicca fuerit, ultimò Iththyocollâ obductâ contegatur. Quibus plenè peractis sericum sic præparatum

siccescere oportet per viginti quatuor horas, ac deinde dividi in quadrulas.

5. SERICUM EPISPASTICUM D. GUILBERT PHARMACOPOEI PARISIENSIS.

R. Corticis Daphnes Gnidii..... 24
 Bulliant in Aquæ..... 1,500
 Trajice per incerniculum, adde
 Cantharidum in pulverem tenuissimum redactarum..... 24
 Myrrhæ in pulverem tritæ..... 24
 Euphorbii in pulverem triti..... 24
 Incalescant donec bulliant; tunc cola per linteum duplicatum nondum usu attritum; eò demùm usque decoctum vaporando addensetur, ut ipso facile Sericum cerâ jam illitum penicillo possit obduci.

Mensuram dedimus hæc in formulâ talem quæ sufficiat obducendo serico quadrato tria decimetra lato.

N. B. Curandum est sericum istum, ubi sat siccum videbitur ut tractari facile possit, aëri expositum ne remaneat diutius, sed illicò convolutum chartis includatur, et sic servetur. Hæc scilicet arte, lentore proprio revolubile et usque tractabile, nunquam siccitate nimia aut fissuris dividetur, aut in squamas dissiliet.

CEREOLI.

Hæc Medicamina præcipuè apta sunt curandis urethræ morbis; formantur in cylindros unâ parte crassiores paululum, alterâ tenuiores, crassitie cæterum variâ, sed eâ tamen quæ nunquam ferè scriptorii calami tenuioris mediocritatem excedat. Longitudo non est supra centimetra septem et viginti.

Conficiuntur Cereoli ex Telis in fasciolas dissectis, tenuioris textus, obducto Emplastro aliquo leviter utrimque illitis. Fasciolæ istæ convolutæ eodem instrumento levigentur, quo cerarii solent nitorem candelis inducere cereis.

Quidquid Emplastrorum est aut Unguentorum quæ solida sunt, modò nimis non induruerint, Cereolis informandis coaptari valet; perfectiores habentur qui lenti, flexiles, nitentes, et, æqualiter obducta materie, enodes obtinentur.

Quandòque, priusquam in usum adhibeantur, Cereoli liquidis immerguntur, quæ, pro morbi naturâ, diversimodè præparata præsto esse debent.

GLANDES SUPPOSITORIÆ.

Id Medicamentorum genus in anum immitti solet. Sebum arietinum soliditate æmulantur. Crassities earum varia est; in conum scilicet ductæ, modò calamum scriptorium æquant, modò ad auricularis digiti crassitiem accedunt.

Sapo, Sebum Vervecinum, Oleum concretum de seminibus Cacao, Mel in soliditatem huic usui aptam coctione addensatum, vulgò ad has Glandes efformandas adhibentur.

Sæpius, antequàm in anum immittantur, liquoribus medicatis inficiuntur, quæ requisito effectui respondeant.

Sapo cultello exsecari debet in convenientem formam.

Oleum concretum de seminibus Cacao, Sebumque Arietinum liquefieri debent calore sufficienti, et sic in conos infundi chartaceos aut papyraceos.

Glandes demùm suppositoriæ, quæ ex Melle decocto

constant, inter digitos volutari et sic in debitam formam effingi possunt.

VII. ESCHAROTICA.

DE CATHÆRETICIS ET ESCHAROTICIS.

Escharotica medicamenta, quæ, si remissiùs agant, *Cathæretica* dicuntur, ea sunt quæ vel inurendæ cuti apta sunt, vel carnes ulcerum luxuriantes, flaccidas, in fungos excrecentes exedunt, aut in Escharas vertunt mox deciduas, ubi ipsas ferro exsecare non licet.

Sales alkalinii, Acida, Oxida metallica quæ adurendi vi pollent, plerisque Escharoticis conficiendis materiem præbent præcipuam. Mollia alia sunt, solida alia, liquida per multa. Formam quoque diversam induere debent, pro variis corporis partibus et locis, et pro requisitis tum efficaciam, tum agendi modo.

1. TROCHISCI ESCHAROTICI.

R̄. Muriatis Hydrargyri corrosivi.....	8
Amyli.....	16
Mucaginis Gummi Tragacanthæ.....	<i>quod satis.</i>
Fiant Trochisci quibus addi poterunt, si lubet, guttæ aliquot Laudani liquidi.	
Ratio Muriatis ad Massam major paulò est quàm 1 ad 5.	

2. TROCHISCI ESCHAROTICI DE MINIO.

R̄. Oxidi Plumbi rubri (<i>Minium</i> dictum)....	16
Muriatis Hydrargyri corrosivi.....	52

Medullæ panis exsiccatae et in pulverem trita. . . 128

Aquæ Rosarum. *quod satis.*

Fiant secundum artem Trochisci oblongi, in seminis avenae formam efficti.

Muriatis ratio in ipsis est ad Oxidum duplex, ad Massam autem ut 2 ad 11.

3. MASSA CAUSTICA D. ROUSSELOT, QUAM VULGÒ ADSCRIBUNT *F. COSME*, A *D. DUBOIS* EMENDATA.

Rj. Oxidi Arsenici albi. 2
Sulfureti Hydrargyri rubri in subtilissimum pulverem aquâ mediante triti. 32
Resinæ Sanguis-Draconis dictæ. 16

Omnia seorsim trita asserventur, et eo tantum quo requiruntur tempore misceantur intimè in mortario vitreo; atque, ubi ulceribus mox imponenda sunt, Pulvis hujus ea copia, quæ sufficere videbitur, supra discum faventinum aut porcellaneum, admixtâ, ut solent, salivâ, vel, si præstare videbitur, gummi ita soluto ut aqua inde aliquam visciditatem contrahat, ope spatulæ ita subigatur et coëat, ut accedat ad mollitiem massæ triticeæ in panificiis præparatæ. Sic demùm Massa hæc apta est curandis ulceribus cancerosis.

N. B. Sulfureti pulvis aquâ mediante ita teri debet, ut pars ejus subtilior, aquâ ob tenuitatem suspensa et ipsi innatans, tantummodò excipiat, ut præscriptum est de parandis pulveribus, n^o 17, pag. 20. Eâ enim tenuitate tantum aptus fiet ad parandam hanc Massam. Talis ex Bataviâ Cinnabarinus pulvis ad nos advehitur, machinis paratus ad id opus aptissimis (vide eâ de re optimè scriptum libellum à *D. PATRIS. Didot aîné*, 1816).

Nulli autem concedatur hæc Massa nisi ex legitimâ præ-
scriptione notoque assertâ chirographo.

Ratio Oxidi Arsenici ad totum pulverem erit ut 1 ad 25.

4. ALUMEN IGNE EXSICCATUM, DICTUM VULGÔ *ALUMEN
USTUM.*

Rj. Sulfatis Aluminae et Potassæ crystallorum.. *quantum
opus est.*

Excipiantur patellâ fictili nullo encausto obductâ, et igne
admoto, sensimque aucto, intumescat Alumen, donec
siccum penitus evaserit.

5. POTASSA IGNE FUSA, DICTA *LAPIS CAUSTICUS.*

V. Sect. VII. ALKALIA, pag. 208, n° 9.

6. NITRAS ARGENTI FUSUS, DICTUS *LAPIS INFER-
NALIS.*

V. Sect. VIII. SALES, NITRATES, pag. 248, n° 6.

7. OXIDUM HYDRARGYRI RUBRUM, DICTUM *MERCURIUS
PRÆCIPITATUS RUBER.*

V. Sect. VII. OXIDA METALLICA, pag. 218, n° 12.

8. DEUTO-MURIAS STIBII SUBLIMATUS, OLIM *BUTYRUM
ANTIMONII* DICTUM.

V. Sect. VIII. SALES, MURIATES, pag. 240, n° 14.

9. MIXTURA, SEU SOLUTIO CATHÆRETICA, DICTA *COLLYRIUM LANFRANCI*.

Rj. Vini albi generosi.	500
Aquarum Plantaginis.	96
Rosarum.	96
Sulfureti Arsenici flavi (vulgò <i>Auripigmentum</i>).	8
Oxidi Cupri viridis, gallicè <i>Verd de gris</i>	4
Myrrhæ.	2,6
Aloës.	2,6
Tere diù in mortario vitreo et serva ad usum.	
Mixturæ totius summa erit	709,2
Ratio Sulfureti Arsenici ad mixturam totam erit ut 1 ad 88,63; Ratio Oxidi Cupri ut 1 ad 177,30.	

10. MELLITUM DE CUPRO ACETATUM, VULGÒ *UNGUENTUM ÆGYPTIACUM*.

V. Sect. V. MELLITA, pag. 165, n° 8.

11. ACIDUM SULFURICUM ALCOOLISATUM, VULGÒ *EAU DE RABEL*.

V. Sect. VIII. ACIDA ALCOOLISATA, pag. 250, n° 3.

12. AQUA MERCURIALIS.

V. Sect. VIII. NITRATES, pag. 248, n° 4.

VIII. SUFFUMIGATIONES.

Quæcumque determinato caloris gradu in vapores solvuntur, ad Suffumigationes parandas apta sunt:

Aqua simplex,
 Aqua aromatibus odorata,
 Acida quædam,
 Alcoolata de vegetantibus et animalibus odoratis,
 Tincturæ Æthereæ,
 Combustorum fumi, ut Chartæ papyraceæ, Sacchari,
 Linteorum, etc.

Sulfur, Cinnabaris, aliæque ex mineralibus desumptæ materiæ, igne volatiles, ad suffumigandum adhiberi possunt.

Verùm ut variæ in singulis deprehenduntur vires, nec idem ex omnibus fumus exhalat, Medici officium est ea indicare ex quibus Suffumigatio aptior haberi possit, sive in atmosphæram latè spargenda sit, sive illa toti corporis superficiæ, vel alicui tantùm parti sit aptanda.

Aliæ autem medicatæ verè dici possunt et magistralibus medicamentis annumerari debent; aliæ ad fetidos odores vincendos tantùm valent; aliæ demùm adhibentur ad corrigenda, aut absumenda vitia quibus aër inficitur, undè restituatur purus et salubris.

1°. SUFFUMIGATIONES MEDICATÆ inter Magistralia tantum recenseri debent, atque adeò sive materiem spectes, sive artificium vapori regendo destinatum hoc in Codice locum obtinere nequeunt.

2°. SUFFUMIGATIONES AD FETOREM VIN-
CENDUM.

1. FUMI EXCITANTES ET TONICI.

Rj. Sacchari, Coffeae, Benzoini, vel Succini, Cascariillae, vel Santali Citrini, aut baccarum Juniperi, aut Pastillo-
rum odoratorum..... *quod volueris.*

Injice supra batillum, patellam, aut sartagine[m] ferè incandescentem. Citò exhalabunt vapores fuliginosi et aromatici, qui, per aërem sparsi, miasmata fetida extemporali efficacità vincere queunt et vires aliquatenus excitare, at neque contagiis adversari, neque aëri sinceritatem permansuram conciliare possunt, imò ipsum necessariò heterogeneis vaporibus inficiunt, non semper, si copiosiores fuerint, innocuis.

2. PASTILLI ODORATI.

Rj. Balsamorum aqua priùs decoctorum, ut acido volatili, careant

Benzoini.....	16
Peruviani sicci.....	16
Santalini Citrini (<i>Santalus albus</i>).....	4
Labdani.....	1
Carbonis Tiliacei.....	96
Nitratis Potassae.....	2

Omnia in pulverem subtilissimum trita, intimè mixta, ope mucaginis Gummi Tragacanthæ, coëant in Massam plasticam, informandam in conos, basi in tripodem dilatata, in elibano leni calore exsiccandos.

3°. SUFFUMIGATIONES ANTISEPTICÆ AD
AERIS VITIA CORRIGENDA.

5. SUFFUMIGATIO GUYTONIANA.

R̄. Muriatis Sodæ in pulverem triti.....	56
Oxidi Manganesii (gallicè <i>Manganèse</i>).....	8
Aquæ communis.....	52
Misceantur in patellâ vitreâ, vel in vase faventino, et suprâ affundantur	
Acidi Sulfurici (66 ^g).....	52

Mox exhalabunt vapores albi, qui copiosius erumpent, si materies moveatur bacillo vitreo, vel porcellaneo.

Nota. Cubiculum in quo suffimentum exhalat istud, nemine ibi stante, perfectè claudendum est; neque portæ fenestrae aperiendæ sunt antè semi-horam.

Mensura materiârum suprâ præscripta apta est cubiculo octodecim pedes lato longoque, et decem circiter alto, vel, mensurâ in cubum ductâ, $\frac{52}{40}$ pedum cubicorum capaci, seu metrorum 111,058; adeoque, pro locorum amplitudine augenda vel minuenda est suffimenti materies.

5. SUFFUMIGATIO SMITHIANA.

R̄. Acidi Sulfurici (66 ^g).....	64
Aquæ purissimæ.....	52
Nitratis Potassæ purissimi in pulverem triti....	64

Acidum aquâ remixtum, fervore post mixturam cessante, excipiatur patellâ vitreâ aut fictili, suprâ cineres calidos, aut arenam, modico igne supposito. Sic leniter incalescat

acidum, cui tunc Nitras Potassæ injiciatur partitum, ut, postquam Gaz singulis vicibus emanare cessaverit, nova iteretur Nitratis injectio, et sic nulla Gaz Nitrosi pars Nitricum vaporem inficiat.

[Faint, illegible text, likely bleed-through from the reverse side of the page.]

[Faint, illegible text, likely bleed-through from the reverse side of the page.]